



De Iustitia Et Iure ceterisq[ue] Virtutibus Cardinalibus

Lessius, Leonardus

Antverpiæ, 1632

10 Vtrum votum alterius possit alterum obstringere: vt parentis, filium,
testatoris, heredem, decessoris, successorem.

[urn:nbn:de:hbz:466:1-72459](#)

*Exiguum
opus si fre-
quentan-
dum.*

*Si obliga-
tio sit diei
annexa.*

Secundò difficultas est, cùm quis voulit aliquid minutum singulis diebus faciendum, Vtrum sit peccatum mortiferum, illud per vnum vel plures dies omittere?

Respondeo breuiter, & Dico Primo, Si ita intendat se obligare in singulos dies, vt obligatio sit diei affixa, & vnà cum die expiret, non erit peccatum mortiferum, etiam si per plures dies omittat; sed erunt tamen peccata venialia, quae erunt omissiones, seu dies quibus omittit: vt si voulis singulis diebus Sabbati in honorem B. Virginis recitare Salvatorem Reginam, vel Ave maris stellam. Ratio est, Quia cùm obligatio non continuetur, sed euangelica quotidie, non accumulantur quoque obiecta parua ad constitendum vnum magnum, sed manent diuisa, sicut & obligationes. itaq; cùm numquam sit obligatio ad obiectum magnum, numquam omissione erit peccatum mortale. Confir. Quia in huiusmodi votis non est vna aliqua obligatio respiciens materiam magnam, sed sunt plurimae obligations distinctæ recipientes distinctæ materias paruas. Nam perinde se habent ac si quis singulis diebus faceret nouum votum de recitanda prece illo dumtaxat die: quo casu violatio plurium dierum non efficeret peccatum mortale, sed totidem venialia. Colligitur hec doctrina ex Soto lib. 7. de Iustit. qu. 2. art. 1. dub. 2.

61
*Si non sit
annexa
dici.*

Dico Secundo, Si ita se quis obliget in singulos dies vt obligatio non sit diei affixa, nec expiret cum die, sed continuetur; erit peccatum mortiferum, complures dies omittere. Ut si voulas quotidie dare assem in eleemosynam, si omittas per plurimos dies, accumulator debitus, fitque materia notabilis, ac proinde erit peccatum mortale non soluere. Similiter si voulis recitare quotidie Orationem Dominicam, aut Hymnum Veni creator, non affigens orationem diei, si diu omittas, crescit debitus, fitque notable: quare erit peccatum mortiferum illud non soluere, aut vna volitione per multos dies talia minuta velle omittere. Idem dicendum quando alicui imponitur in paenitentiam, vt per mensim recitet quotidie Psalmum Miserere, non enim obligatio affigitur diei tamquam proprius illius cultus (nisi aliud intendat Confessarius) sed dividitur onus in plures dies, & singuli dies præfiguntur tamquam termini, ultra quos non sit executio differenda. Vnde si omittatur, non idem euangelicit obligatio.

Porrò in istis & similibus casibus non solum est peccatum, velle per plurimos dies minuta & quotidiana illa omittere, aut omittere soluere debitum cùm excrevit; sed etiam omittere minutas precationem eo die quo hæc precatio cum reliquis omissionis materiam magnam constituit, seu quo debitus esse notabile incipit. Exempli gratia, sint 20. precationes Dominicæ materia notabilis: omissione vigesima erit peccatum mortiferum; non per se quidem, sed vt coniuncta præcedentibus omissionibus subest vni volitioni liberæ, qua quis aduertens se etiam reliquarum debitorem, hoc totum negligit, & vult omittere: quia hæc vigesima precatio primùm compleat quantitatem notabilem, circa quam sit obligatio sub peccato mortali: sicut vigesimus assis v. g. in materia furti, constituit quantitatem notabilem: vnde qui antè sensim accepit vñque ad octodecim vel nouemdecim, eti non peccat mortiferè, tamen accipiendo vigesimum voluntate retinendi

vna cum ceteris, peccatum mortiferum admittere. Vide suprà lib. 1. cap. 12. dub. 3.

His adde, omnia peccata contra votum qua parte votum violant, esse eiusdem speciei. quia eiusdem rationis est irreuerentia & infidelitas erga *eiusdem speciei.* qui voulit castitatem, si contingat illum fornicari, vel pollui, & confessus fuerit hoc peccatum, omis- sa per obliuionem circumstantia voti, sufficit ut postea eidem vel alteri confessori explicet se votum in regrauia violasse; vt multi DD. tradunt.

D U B I T A T I O X.

*Vtrum votum alterius possit alterum ob-
stringere, vt parentis, filium, testatoris,
heredem, successoris, successorem.*

VT respondeatur huic dubitationi, adhibenda est distinctio votorum in personale, reale, & mixtum; de qua sup. dub. 4. Qua posita,

Dico Primo, Si votum sit *personale*, non obligat nisi personam voulentis, tale est votum ieunij, *Vota perso-* *nalia.* peregrinationis, militiae sacrae, ingredienda Reli- gionis, & similia. Ratio est, Quia hæc vota solum sunt de actionibus personalibus, quæ à sola persona voulentis sunt exequenda, haec enim sola promittuntur, nulla autem res externa: ergo non pertinent ad personam heredis, itaque si huiusmodi votis nondum solutis voulens deceaserit, non renetur heres.

Sed difficultas est de parentibus, Vtrum illi votu- *An paren-* *to suo non possint obligare filios. Videntur posse, res obligant* *filios.* nam multis Canonibus habetur, filium, qui à parente in infancia sua Monasterio dicatus fuerit, non posse, cùm ad pubertatem venerit, egredi. Ita habetur 20. qu. 1. cap. 3. Monachum, ex Concilio Tolentino 4. cap. 48. *Monachum aut paterna denotio, aut propria professio facit. quidquid horum fuerit, obligatum tenebit. proinde his ad mundum reverendis intercludimus aditum. & omnes ad seculum interdicimus regressus.* Idem habetur expressè cap. Addidisti. 2. & cap. Quicumque. 4. & cap. Quem progenitores. 6. ibidem.

Respond. Nec votum, nec oblationem parentis *63* posse obligare filium impuberem ad Religionis *resp.* ingressum, vel permanescere in ea, nisi filius cùm ad annos discretionis peruerterit, consenserit, & factum parentis ratum habuerit. Ita Glossa in cap. Addidisti, ubi sic ait: *Intelligas hac tria capit. de illis, qui post atatem adultam consensum accommodarunt.* vnde pater responsio ad prædictos Canonem, & habetur expressè cap. Cum simus. 14. de Regularibus, quod est Cælestini III. & cap. 10. Illud autem. 20. q. 1. quod est Marcelli. Colligitur etiam cap. Puella. 8. & cap. Sicut. 9. ibidem. Confirmatur ex Concilio Trident. fest. 25. cap. 17. de Regularibus, ubi statutum est professo virginum liberimam sit. & cap. 18. excommunicat eos, qui aliquo modo virgines vel alias feminas ad ingrediendum Monasterium, ad habitum, vel professionem cogunt, &c. Ratio est Primo, Quia nemo potest voulere aut promittere alteri, nisi quod haberet in sua potestate: atque arbitrium & actiones filii non sunt in potestate parentis. Vnde parentes non potest aliud voulere, quam se curaturum vt educetur dum adhuc impuber est, in Monasterio; & quantum in se est indueturum ad Religionem ample-

amplectendam: quandocumque enim aliquis promittit factum alienum ad quod cogere non potest, non censetur aliud promittere, quam se, quantum poterit, inducitur alterum ut faciat; vt omnes iurisperiti docent, & colligitur L. Stipulatio ista, *π.* de verb. obligat. & Institut. de similib. stipul. §. Si quis alium.

Deinde in his, quae ad statum vitaे pertinent, quisque est sui juris, nec potest ad ea nisi suo consensu obligari; vt patet in matrimonio, sacerdotio, celibatu, &c. tantum enim onus, quod perpetuo homini adhæret, & in negotio salutis tantum in utramque partem momentu haber, non ex alieno arbitrio pendere, sed sponte suscipi debet: ergo idem dicendum de statu Religionis. Deniq; quia Christus Dominus consilia sua voluit esse libera, idq; tum propter illorum excellentiam, tum quia non sunt necessaria ad salutem. Vnde nulla potest humana potest ad ea obligare. Itaque Religio duplice nomine libertate postulat, nimirum quia & ad totius vitaे statum pertinet; & quia est bonum supernaturale consilia Christi complectens.

Nec obstat, quod parens possit quædam filio precipere: quia non potest præcipere ingressum Religionis, sed ea tantum, quae ad domesticam disciplinam, & obseruationem mandatorum Dei pertinent. Deinde et si ad hæc possit filium obligare præcepto, non tamen voto.

Petes, Quid si voto personali implendo occurrit impedimentum; tenebiturne vouent per alium implere?

Respond. Non tenebitur, quia sola ipsius persona obligabatur, quæ iam per impedimentum excusat. quod si per alium fecerit, non idem liber erit cessante impedimento, nisi commutetur voto. Excipe, nisi dum voueret, intendisset se obligare ad impletum per alium, in euentum, quo per se non posset; tunc enim teneretur id curare: & sic liberaretur.

Dico Secundò, Si voto sit reale, nisi ante mortem persolutum fuerit, obligat heredem. colligitur ex cap. Si heredes, de testamento; vbi dicitur, heredes, qui in sua testatoris no*n* impleturint, esse interdicendos hereditate. talia enim vota inter iussa ipsius censenda sunt. Idem pater ex L. 2. π. de pollicitationibus, vbi dicitur, *Si decimam quis bonorum voulit, decima non prius in bonis desit esse, quam fuerit separata.* & si forte qui decimam voulit, decesserit ante sepositionem, heres ipsius hereditatem nomine obstrictus est decima: voti enim obligationem ad heredem transire conatur. Idem docent communiter DD. vide Siluest. v. Votum 2. qu. 11. Ratio est, Quia sicut heres succedit in bonis, & in actionibus ac iuribus defuncti; ita etiam in oneribus quæ hereditatem attingunt, etiam si nulla res per se sit obligata. Vnde sicut ea, quæ testator promisit homini, teneatur soluere; ita etiam quæ promisit Deo.

Idem dicendum videtur, si defunctus vouerat aliquam peregrinationem, vel militiam sacram, ea intentione, ut si per se non posset executi, per alium curaret: tunc enim sub conditione videtur tacite vouisse se datum sumpitus ad hæc praftanda; & proinde fecisse voto reale; quare tenebitur heres; quod est notandum, idem dicendum quando testator ordinat ut heres mittat hominem.

Simile est, Si quis voulit ædificare Monasterium, vel aliam piam fundationem instituere. Ita docet Abulensis q. 9. 8. in cap. 30. Numerorum.

Qua pa-
rens possit
præcipere.

64
Si occurrat
impedi-
mentum.

65
Si reale.

Voto per-
egegrinatio-
nis.

Petes, Quid si heres non cureret fieri, peccabitne contra votum?

Respond. Non peccabit propriè contra votum, nec erit voti violator; quia ipse nihil voulit, aut promisit Deo, (sic ut heres, qui tenetur promissione testatoris iuramento confirmata, non tenetur vinculo iuramenti) sed partim contra obligacionem, quia defuncto obstringitur ratione hereditatis accepta, seu taciti pacti, quo eo ipso, quo hereditatem adit, acceptat onera defuncti: partim contra Religionem, quia non soluit quod Deo debet, et si enim Deo non promiserit, tamen factus est Deo debitor, suscipiendo in se obligationem alterius Deo debentis. Sicut is qui promisit se votum vouentis impleturum accepta mercede; si fallat, & ipsi & Deo iniuriam facit.

Dico Tertiò, Si voto sit mixtum, partim obligat, partim non obligat heredem: obligat quæ *Si mixtū* reale, non obligat quæ personale. vt si vouent peregrinationem Lauretanam, & offerre ibidem calicem; heres tuus tenetur mittere calicem, non autem curare peregrinationem.

Petes, An teneatur sumptus itineris in pios usus *Sumpua* conferre?

Respondeo, non teneri: quia sunt accessoriij voti personali; non enim sub illud cadunt, nisi indebet, & vt necessarij ad explicationem voti personalis: illo igitur evanescente, definitur deberi, secus si ille vouendo intendisset vt per alium expleretur. Hocum tamen habenda ratio in commutatione votorum, teste Nauarro cap. 12. numer. 7. & colligitur cap. Magnæ deuotionis, de voto. hoc tamen non videtur absolute necessarium, sed decens.

D Y B I T A T I O XI.

Quot modis possit quis voto solui.

R Espondeo, Quinque modis, vt colligitur ex 68 DD. vide Siluestrum, Votum 4. qu. 1. Na- *Quinque* uar. cap. 12. nu. 63. Primò, Defitione materiae. Se- *modis obli-* cundo, Absentiæ conditionis. Tertiò, Irritatio- *gario voti* ne. Quartò, Commutatione. Quintò, Dispen- *satione seu absolutione.*

Defitione materiae soluitur, si id quod antè erat legitima materia, definit esse materia voti, vel absolute, vel respectu vountis. vt si fiat impossibilis, si mala, si maioris boni impeditiua, si indiferens, si inutilis.

Defitione conditionis; vt si voto factum sit cœniente vel durante certa conditione, & illa non euenerat, vel definit.

Irritatione, Quando materia, quam vouemus, vel voluntas vountis, subiecta est aliquo modo aliena potestati, & ab eius consensu dependens; talia enim habent hanc tacitam conditionem, Ni- si Superior, seu ille cuius interest, contradixerit.

Commutatione, Quando obligatio voti ab una materia transfertur in aliam. Quod si obligatio voti personalis transferatur ad opus reale, vt ad eleemosynam vel ædificationem loci pij, dicetur redemptio.

Dispensatione, Quando auctoritate ecclesiastica quis omnino à voto absolvitur. Differunt hi tres modi, quod irritatio non requirat auctoritatem ecclesiasticam, commutatio vero & dispensatio requirant.

D V B I

66
Si heres
negligat.